




**Bosna i Hercegovina**  
**Босна и Херцеговина**  
**Regulatorna agencija za komunikacije**  
**Регулаторна агенција за комуникације**



Broj: UP1: 07-29-2-203/18  
Sarajevo, 28. 02. 2018. godine

Na osnovu člana 40. stav 1. Zakona o komunikacijama („Službeni glasnik BiH“ br. 31/03, 75/06, 32/10 i 98/12) i člana 14. Zakona o slobodi pristupa informacijama u Bosni i Hercegovini („Službeni glasnik BiH“ br. 28/00, 45/06 i 102/09), rješavajući po Zahtjevu za pristup informacijama gospodina Predraga Blagovčanina, generalni direktor Regulatorne agencije za komunikacije *donosi*

### **RJEŠENJE**

- 1. Odobrava se pristup traženim informacijama u posjedu Regulatorne agencija za komunikacije (Agencija), a koje se odnose na podatke iz Javnog registra svih korisnika dozvola iz područja emitovanja, uključujući informacije o svim nivoima vlasništva za emitera Radio Herceg Bosne, od perioda osnivanja do danas.**
- 2. Odobrava se pristup traženim informacijama u posjedu Regulatorne agencija za komunikacije (Agencija), a koje se odnose na podatke iz svih raspoloživih finansijskih izvještaja za javni medij Radio Herceg Bosne.**
- 3. Protiv ovog Rješenja je dopuštena žalba.**

### **O b r a z l o ž e n j e**

Dana 19. 02. 2018. godine, Regulatorna agencija za komunikacije (Agencija) je zaprimila Zahtjev za pristup informacijama gospodina Predraga Blagovčanina, koji se odnosi na pristup informacijama u posjedu Agencije: podatke iz Javnog registra svih korisnika dozvola iz područja emitovanja, uključujući informacije o svim nivoima vlasništva za emitera Radio Herceg Bosne, od perioda osnivanja do danas; podatke iz svih raspoloživih finansijskih izvještaja za javni medij Radio Herceg Bosne.

U skladu sa navedenim, podnosioca Zahtjeva obavještavamo o sljedećem:

Podaci iz Javnog registra svih korisnika dozvola iz područja emitovanja se nalaze na web stranici Agencije [www.rak.ba](http://www.rak.ba), „Emitovanje“, „Korisnici dozvola“.

Osnivač Radiotelevizija Herceg-Bosne d.o.o. Mostar, korisnika Opće dozvole za radijsko emitovanje koje se vrši putem zemaljske radiodifuzije, je Hrvatska zajednica Herceg-Bosna Mostar.

Dana 24.06.2009. godine, Radiotelevizija Herceg-Bosne d.o.o. Mostar je uputila Zahtjev za promjenu vlasničke strukture Regulatornoj agenciji za komunikacije (Agencija) u korist sljedećih pravnih subjekata: Općina Čapljina (8.90%), Općina Čitluk (4.93%), Općina Grude (5.00%), Općina Neum (3.45%), Općina Tomislavgrad (6.30%), Općina Kiseljak (4.00%), Općina Stolac (3.60%), Općina Ravno (0.98%), Općina Kreševo (0.98%), Općina Dobretići (0.98%), Općina Kupres (4.00%), u ukupnom procentu od 43,12 %, dok bi Hrvatska zajednica Herceg-Bosna Mostar zadržala procenat vlasništva u iznosu od 56,88 %.

Agencija je dana 30.07.2009. godine donijela Rješenje broj UP1:02-07-398/09 kojim se odobrava promjena vlasničke strukture Radiotelevizije Herceg-Bosne d.o.o. Mostar u korist navedenih pravnih subjekata, čime je u potpunosti udovoljeno Zahtjevu.

Dana 23.09.2010. godine, Radiotelevizija Herceg-Bosne d.o.o. Mostar je Agenciji uputila Zahtjev za saglasnost za dodatnu promjenu vlasničke strukture. Rješenjem Agencije od 24.11.2010. godine odobrena je promjena vlasničke strukture Radiotelevizije Herceg-Bosne d.o.o. Mostar, unutar kojeg posluje Radio Herceg Bosne, u korist sljedećih pravnih subjekata: Zapadno-hercegovačka županija (10,00 %), Općina Livno (8.90 %), Općina Široki Brijeg (6.45 %), Općina Ljubuški (5,00 %), te Općina Posušje (1,00 %) u ukupnom procentu od 31,35 %, dok Hrvatska zajednica Herceg-Bosna Mostar zadržava procenat vlasništva u iznosu od 25,53 %, čime je u potpunosti udovoljeno zahtjevu.

Agencija je utvrdila da je Zahtjev podnesen u skladu sa Zakonom o slobodi pristupa informacijama u Bosni i Hercegovine, te je odlučeno kao u dispozitivu ovog Rješenja.

**Pouka o pravnom lijeku:** Protiv ovog Rješenja može se izjaviti žalba Predsjedavajućem Vijeća Agencije u roku od 15 dana od dana dostavljanja istog.

**Uputstvo o pravu obraćanja ombudsmenu:** Podnosilac zahtjeva ima pravo obraćanja Instituciji ombudsmena za ljudska prava Bosne i Hercegovine i to: Centralnom uredu u Banja Luci, ulica Ravnogorska broj 18, odnosno područnom odjelu u Sarajevu, ulica Grbavička broj 4.



PRILOG: Finansijski izvještaji Radiotelevizije Herceg-Bosne d.o.o. kojima Agencija raspolaže, tabelarni prikaz trenutne vlasničke strukture Radiotelevizije Herceg-Bosne d.o.o.

Dostavljeno:

-podnosiocu zahtjeva

-arhiva